

ANTITHESIS.

- Errant 1. Qui putant, peccatum in Spiritum Sanctum olim quidem potuisse committi, quando Christus visibiliter docebat; hodiè non item dari posse hoc. Sententia hæc placuit *Socinianis, Arminianis & Hugoni Grotio.*
2. *Pontificii*, qui ampliant terminum peccati in Spiritum Sanctum. Non tantum quamvis impœnitentiam ita vocant, sed etiam illud, *quando quis neget bonorum operum ad vitam æternam necessitatem,* & si quis rejiciat testimonium Ecclesiæ.
3. *Calviniani*, propter doctrinam de absoluto decretò volunt hoc peccatum tantum in hominem irrogenitum cadere posse.

ARTICULUS VII.

DE

LIBERO ARBITRIO.

APHORISMUS I.

Consequens peccati peccatoris servitus est, quatenus is, debilitatâ ad bonum morale, amissâ autem penitus ad bonum spirituale, libertate arbitrii, in omnibus actionibus suis peccat, & ut mortuus spiritualiter non tantum ante conversionem se ad gratiam præparare nequit, sed nec prævenienti gratiæ vel excitanti cooperari, verum primis ejusdem motibus naturaliter resistit, ablatò verò naturali obice patitur se converti, & post conversionem instructus novis viribus Spiritui Sancto in exercitiis fidei cooperari quidem incipit, sed cum luctâ carnis perpetuâ, quâ impeditur, quò minus in sanctificationis opere DEO & sibi secundum desideria Spiritus faciat satis.

De statu
servitutis
hominis
peccato-
ris.

L 3

EXPLI-